

YB-Essen – Down at the doctors

Eis grad vorwäg, ig bi um die 4re am morgge bim Peschee daheime am telefon hinger ds liecht gfüert worde, drum muess ig itz dr bricht schribe :-)

Auso, ig bi leider nid vo afang a drbi gsi, aber me het mir versicheret, dass ig bir erste Haubzyt vom Match nid viu verpasst heigi. Bim Apffiff vor 2te Haubzyt isch immer no 0-0 gsi.

Die Absandte vom VBCG hei sich ir hingerste Reihe wohlig igrichtet (Bierdepot usw.) u hei ds Spiu fiebrig mitverfougt wos plötzlich 0-1 für Bel-linzone steit. Dr Schock het üs tief breicht, aber das isch o dr Schock gsi vos het brucht um ä Geist vo YB ds erwecke.

Mit dr Iwächslig vom Matar Coly het sich ds Schicksal vo YB gwändet!!

1-1 isch es de ir 72te Minute gstange u mir hei wieder chöne hoffe. Aber wo de die Schlussminute si nächercho hei mir's de doch chli mit dr angst z'tüe übercho das YB gäge zwöitletzt nume äs Unentschide wird mache. Ir 92te Minute isch de no ds 2-1 u somit ds Schlussresultat gschosse worde.

Im augemeine Freudetoumel und zfridene Zueproste hei sich d'Gigle när uf e wäg gmacht, di Einte a SCB –Match die Angere itz Restaurant.

Im Restaurant Abruzzese bi ni du när am haubi 9ni dr erst gsi (reserviert isch uf 20.15 gsi), tröpfliwys si de Gigle itroffe u me het sich chöne uf ds bsteue vom ässe härmache. Im Grosse u Ganze isch das eigentlich i zimli gordnete Bahne abglofe.

Bim Rundgang vor Serviertochter isch de dr erhöht Alkoholpegu doch no ufgefaue, uf d'Frag ob ds ässe sigi guet gsi, isch em Habi es idrücklichs

„YEAHHHHH“ us dr Kehle gfhare. Schöne Habi. Dr Vali het dr versammlete Rundi när no eröffnet, das är im Septämber zum 2te mau Vater wird u het no einisch ä Rundi überno. Grosses +

Dr Habi, kurzzytig wieder erwachet het uf ds Neue überrascht, i däm är schneuer het möge suufe aus d'Serviertochter het möge nache-schänke...

So gäg di haube 12 si mir vom Beizer zum Tell choffiert worde. Dert het me sich de wieder mit dene vereint wo si dr SCB Match ga luege. Unger de bekannte Songs vom Jüre Hofer hei mir bis zum bittere Endi abtanzet u fröhlich witergsoffe. Jetzt fat dr schwiriger Teil a, da sich dr Alkohol o bim Autor langsam het bemerkbar gmacht. Jedefaus het sich nach Schluss vom Down at the Doctors die Gmeinschaft ufteilt, es paar si hei gange, es paar hei es Taxi gno u si no itz Dead End (Yves ig hoffe du hesch mini Charte no ;-)) u es paar si no zum pesche ga nes Abschlussbierli nä.

I pesches chastle acho hey mir när gmerkt, dass är gar nüm so viu Bierli het, aber veiechli schnäps... miner errinnerige gäge nüm ganz aus wieder, aber a ne chinesische ma mi no bsinne, ä absinth isch o drbi gsi u am schluss gloub no so nä uuuuere gruusige 80% dä isch zimli igfhare.

So uf die haubi 6e het sich när di Gseuschaft o langsam uf e heiwäg begäh. Mit emene lächle uf de Lippe ha ni mi när o am verdiente Schlaf häregä.

BRAVO ads OK vo däm Event, isch super gsi. Roger Grossenbacher